

## Dinks sprawozduniy s arbajcynio

### Ferajny "Szkryfka" za 2018

#### A. Ô Szkryfce

Ferajna "Szkryfka" uostała sbajslowalno dziynka 16 Ferajniokům, kerzi przituplowali to we ukwole ze 01.04.2015 we Mikołowie.

Zakůny, cyle a dziołania Ferajny szkryfniynte sům we Sztatucie Ferajny "Szkryfka". Poradzi sie tam snojś nojważniysze cyle arbajcynio Ferajny:

- I. uwszelobecniyniy godki šlůnskij we szrajbůnku, interaktiw a mobilnych szkryftach a i we mediach;
- II. průmowaniy wiedzy ô Šlůnsku;
- III. průmowaniy godki šlůnskij a kultůry ai bajsłowanio šlůnskich dinksůw;
- IV. průmowaniy a formowaniy pozytywnego filowanio na Šlůnsk a Šlůnzokůw;
- V. przichytać a istować regiůnal šwiadůmość Šlůnzokůw;
- VI. spůłarbajcyni ze lokalnymi a regiůnal regiyrami, instytucyjami społėcznymi a inkszymi ferajnami dlo rozwoju Šlůnska;
- VII. spůmogać kultůrowe inicjatywy swiůnzane ze Šlůnskym.

Pedzane je tyż ô arbajcyniu Ferajny:

- I. bajsłowaniy swoich projektůw a programůw;
- II. bajsłowaniy trefůw, prelekcij, wystow, kursůw, kůncertůw, festůw a inkszych fajerůw;
- III. bajsłowaniy a spůmoganiy we ôrganizowaniu wymiany miyndzykultůrowyj;
- IV. wystowianiy certyfikatůw a fundowaniy prajsůw swiůnzanych ze dziołaniym Ferajny;
- V. kludzyniy nec zajty;
- VI. spůłarbajcyniy ze inkszymi perzůnami a instytucyjami, kere majům podane na nosze cyle arbajcynio;
- VII. spůmogać dziołania, kere majům:
  - a. průmować wiedza ô Šlůnsku,
  - b. průmować godka šlůnsko a kultůra ai bajsłowaniy šlůnskich dinksůw,
  - c. průmować a formować pozytywne filowanie na Šlůnsk a Šlůnzokůw,
  - d. przichytać a istować nacjůnal a regiůnal šwiadůmość Šlůnzokůw,

- e. utrzymywaniý kúntaktów miyndzy Šlůnzokami, bezmaš wszyndzi kaj sům a miynszkajům;

VIII. inksze arbjajcyniý, kere mo ryalizować sztatut cyle.

## B. Działania Ferajny "Szkryfka" we 2018

Rok 2018 napoczyn sie blank interesant. Dwůch noszych ferajnioków pojechało na wywiad do programu "Zoom przy kawie", kery emitowany je we ôgólnopolskij telewizyji ZOOM TV. Uosprowiali tam łuni jako to teroski je ze godkům ślůnskům, iże godać niý ma gańba a eli to je moda, abo cosik wiyncyj.

Nostympny juże rok noszych działań to jednako dolszo robota a nostypne projekty. Jako i łůnskigo roka tak i latosi uzdalimy ô spůlarbjajcyniu ze inkszymi ôrganizacjami. Ze došwiadczynio wiedzielimy juże, iże moge łuna dać na prowda dobre efekty a interesantne projekty.

Doczkać nawet niý trza bůło wiela, bo juże na poczůntku roku ôdezwalali sie dũ nos ze Sztudynckigo Samorzůndu Politechniki Ślůskij we Głýwicach. Bajslowali łuni Forum Uczelni Technicznych, na kere mieli zjechać sie delegaty ze cołkij Polski. Beztuż chcieli łuni pokozuć im tyż trocha noszyj kultůry a godki. Jednako forma norychtów, kere my zrychtowali zaskoczyła niý ýno byzuchantów, nale i samych bajslrzy. Wszysko skiż tego, co przirychtowalimy norychta ze miynkich umiyyjntności (ze anglickigo mianowane "Soft skills"). A chocioż spůmnielimy im bezto pora rzeczy ô kůmunikacji, spůrobocie we manszafcie ai uozwiůnzywaniu kůnfliktów a asertiwności, to przy ôkazji pokozalimy tyż trocha tyj noszyj ślůnskij mowy. Dziynka tymu můgli tyż sie trocha podszkolić we godaniu a wywiedzieć poru nowych rzeczy.

Spůrobota łůnskigo roka ze Ślůskim Ogradem Botanicznym we Mikołowie bůła na tyła dobro, co kożdo s ôrganizacyj chciała zrobić zaš jakoš akcjo cuzamyn. Latosi przirychtowalimy garczki a szpile dlo uczystników działań Ślůskiego Kalendarza Ekologicznego 2018, kery po noszym przetublikowaniu mianował sie Ślůnski Ekologiczny Kalyndorz. Na te ôkazje zrychtowalimy niýôbyczny terynowy szpil, we kerym gracze musieli wykozać sie niý ýno dobrům ôriyntacjům we Ôgrodzie, nale tyż spůmnieć sie (abo nauczyć) poru nowych wortów po ślůnsku. Krům tego przirychtowalimy jeszcze na Dziyń Bajtla GeoRebus po ślůnsku ô biozasobach ŠOB.

Łůnskich lot sbajslowalimy projekt "Silesia Skills", dziynka kerymu zrychtowano uostała wystowka "Galerio ślůnskich noblistów". Do dzisio rajzuje sie łuna po roztolicznych insztytucjach kultůry a ôšwiaty spůminajũnc ô 11 noblistach, kerzi sie sam urodziyli. Tyn sukces natchnył nos do kolejnego projektu, a mianowicie "Galerii znanych Šlůnzoków". Ta mo pokozywać wzynte

postacie ze naszego regionu, które były znane nie tylko samemu, ale przy tym nie tylko wpłynęły na świat, w którym teroźnie żyjemy. Galeria sztartowała narazie w Internecie, ale możemy nadzieję, co udo nam się ją zmaterializować a zrychtować takó rýchtých wystowka.

Werci się tyż spůmnąć ó naszym spůłarbjcyniu ze SferaTV ze Rudy Ślůnskiej. Ta lokalno telewizjo mo zasyng we poru miastach GOP a durś się uozwijo. Nasze Ferajnioki przirychtowywujům koždy miesiůnc wiadůmości po ślůnsku, we kerych podsumowujemy óstatni miesiůnc newsami po ślůnsku. Po wiadůmościach zaś emitowany je program "Szolka tyju", we kerym nasz Ferajniok uosprowio ze zaproszůnymi ludziami ó woźnych tera ai we prziszłości rzeczach.

Jak koždy rok pomogůmy tyż inkszym tublikować a rychtować teksty po ślůnsku, kludzimy mocka myńszych akcyj, we kerych průmyjemy nasz region, choby dejmy na to artikle ó tym jako a kaj idzie fajnie spyndzać u nos czos. Publikowalimy je i na naszym nec zajcie a na facebook'owym fanpage.

Robilimy tyż przy naszym nec zajcie, coby była przejdrzisto a atrakcyjno. Przewstawialimy układ, doprecyzowywali treść. Ópublikowalimy na niej Óferta, we keryj klarujemy jako mogymy spomůc, co mogymy zrobić dlo inkszych a co tak rýchtých robimy. Aktualizowalimy tyż informacyjje ó tym, jakie szkolyńia, kursy a kwalifikacyjje majům nasze ferajnioki, coby lepiej szło nos poznać. Przewstawiůmy tyż woźne informacyjje dlo tych, co chcieliby nam pomůc a óstać naszymi wolůntariuszami.

Beztyż zocnie zaproszůmy do zagłůndanio na nasz nec zajta <http://szkryfka.eu/> ai facebook'a: <https://www.facebook.com/Szkryfka/>, kaj poradzi się snojs artikle ó naszym działaniach a wydarzyniach we naszym Ferajnie ai na Ślůnsku, a przy tym do uosprowiano a diskutirowanio na forum <http://forum.szkryfka.eu/>.

20.03.2019

*Mikołów*

Podszrajbunek